

# NY VALOSOA

Gazety misheo intelo isan-kerinandro  
(Talata - Alakamisy - Sabotsy) VAOVAO

Talata 8 septambra 2020

Laharana 1064

Vidiny : 400 Ar

**Orin'asa AAA**

## Nitory eny amin'ny filankevim-panjakàna



7

**Fianakaviana Ravalomanana 2 8**

## Tahian'ny Tompo nahazo fahasoaavana 2 sosona

**AMBOHIDAHY**

4

## Nanatitra fitoriana teny amin'ny HCC ireo loholona

**Ombay mitady i Johanna 2**

2

## Mpaminany tsy masina an-taniny

**Kaomina Fiombonana Atsimondrano 6**

6

## Manao kiantranoantrano ny komity loharano ka mampitaraina ny mponina

**Antso Fiarahamonina Kristiana (AFK) 4**

4

## Tsy nofinofy ny hahafahana mampandroso an'i Madagasikara

**Valanaretina coronavirus 4**

Niampy 2 ny lavo omaly,  
33 ny tranga vaovao,  
45 no sitrana

[www.gvalosoa.com](http://www.gvalosoa.com)[gvalosoa@yahoo.com](mailto:gvalosoa@yahoo.com)

facebook : gazety valosoa rakoto

**Daka kely**

Aza mavandy, tsy nisy olona 7 tapitriza  
nisolo CVO izany ry Boaikely a !

**Fafy Randria**

5

**Vehivavy  
miangaly  
ny  
gadona  
Pop Rock**



## MPAMINANY TSY MASINA AN-TANINY

## Ombay mitady i Johanna

Natao nakotroka ny fandalovan'i Johanna ilay nambara fa "mpaminany vavy" avy any Brezila, tonga nasesikin'ny fanahy masina hono, teto Madagasikara ,nanambara ny" vaovao mahafaly", na-henika ireo mpampahalala vaovao miaradia amin'ny fitondrana, ilay hafatra nentin'ity "mpaminany vavy", izay nilaza fa eto Madagasikara dia hisy ny fahagagan lehibe eo amin'ny lafiny fitsaboana ary eto amin'ity tanindrazantsika ity no hivoaka ny fanafody, izay hampitodika ny mason'izao tontolo izao. Ny 26 Aprily 2020 no nivoahan'izany, nohamafisina mihitsy fa fiaramanidina manokana no nitondra an'i Johanna avy any Brezila ary nahafoy vola aman-karena izy nian-toka ny diany, satria zava-dehibe loatra eo amin'ny fia-nan'izao tontolo izao hono ny vaovao nentiny.

Ny fitondrana ankehitriny dia malaza ho mahay milalao ny lafiny serasera, satria nampifandraisina ny fivoahan'ny CVO sy ny fandalovan'ity "mpaminany vavy" ary natao faran'izay matanjaka ny famoahambaovao , nisy ny fampisehoana ilay "lakroa" tamin'ny fahitalavitra, k'izay lalana nalehan'ilay "mpaminany" tamin'ny fandalovany teto Madagasikara tamin'io 26 Aprily 2020 io, nonofaritan'ilay "lakroa".

Toy izao ny firafitr'ilay "lakroa", ny mitsivalana eo amin'ilay vokovoko dia Toamasina ny tendrony havana ary Mahajanga ny tendrony havia , ny mitsangana dia Antsiranana ny tendrony ambony ary ny any amin'ny faritra atsimo ny tendrony ambony ary eto Antananarivo no mifanapaka ny mitsangana sy ny mitsivalana , izany hoe eto an-drenivohitra izany no ivon'ilay "lakroa".

Tsy mbola nisy ny maty tamin'ny tarehimarika ofisialy tamin'ny fotoana nandalovan' i Johanna teto amintsika ny 26 Aprily, saingy andro vitsivitsy monja tao-rian'io dia nisantatra ny fision'ny fahafatesana i Toamasina tendrony ilany amin'ilay tanambokovoko, Antananarivo ivon'ilay "lakroa" no be maty indrindra ,ary ny lalana voasoritr'lay "lakroa" dia samy nahitana famoizan'aina avokoa, Antsiranana any amin'ny tendrony ambony dia nambaran'Ingahy Filoha, fa mbola tsy tratra hono ny "pic", nisy ihany koa ireo namoy ny ainy tany amin'ny tendron'ny ambony sy ny tendron'ny haviga amin'ilay mitsivalana ary ireo tanana tsy voaso-



Ny Lakroan'i Johanna.

ritra ho nandalovan'ilay "lakroa" dia zara raha nisy ireo lavo. Dia nilaza inona izany ilay "lakroa"?

Novoizina mafy mihitsy tamin'ny serasera makadiry ho "olo-mendrika"sy "tsara sitra-po" i Johanna , satria hono nahavita nandany fatotra amampondrana , niala tany Brezila tonga taty amintsika nanambara ilay "vao-vao mahafaly", kanefa dia mahalasa saina ihany satria i Brezila dia anisan'ireo firenena nahitana fahafatesana be indrindra, ka raha mpaminany to-teny tany amin'ny firenena niaviany i Johanna dia tokony nahavita nandresy lahatra ny mpitondra tany amin'ny firenena hanafatra ny CVO taty amintsika, satria io no nambara fa ody faty latsaka fahefany.

Fa taorian'ny nandalovan'i Johanna teto Madagasikara dia tsy nandrenesam-baovao intsony ny momba azy, ka nahatonga ny fanontaniana hoe; "Ombay mitady "i Johanna , ny azo antoka dia vaovao roa no azo ambara mikasika ny misy azy , ka ny iray amin'ireo tsy maintsy marina, ny voalohany dia mbola velona miraria any an-tanindrazany any i Johanna mbola miambo-zona "lakroa" saingy nangina fotsiny, ny faharoa , izay enga anie ka ho diso, dia efa nampitovy tongotra i Johanna satria maromaro ihany ireo lavo tany Brezila noho ny coronavirus, ka ny toerana misy azy dia misy lakroa eo amboniny.

**Ny Valosoa**

Antoko Monima

## Mpanao politika nasionalista tia ny tanindrazany i Monja Jaona

Tsy tanteraka ny fahaleovantena sy ny fiandriam-pirenenia, hoy ireo mpikambana ao amin'ny antoko Monima, satria tsy manana "Ethique Politique" ny mpanao politika, sy ny mpitondra fanjakana ary ny mpanohitra amin'izao fotoana izao, vokatr'izany miankin-doha amin'ny vahiny i Madagasikara, no sady ge-jain'izy ireo ny toe-karena ary miha-mahantra hantany ny firenena. Ny fahasahiana mijoro amin'ny fahamarinana sy ny fana-jana ny teny nomena ary ny tsy fivadibadihana amin'ny tolona nifanaraha no filametry ny Raiaman-dreny Monja Jaona, izay midika hoe : "mandehana mahitsy" (Kamiviombio). Naha-

tsiaro ny faha-26 taona nahafatesan'ny Tia tanindrazana Monja Jaona ny birao Foibe, izay tarihin'i Monja Roindefo Filoha nasionalin'ny Monima: Magasikara Otronin'ny Malagasy, ny herinandro teo. Nilaza Andriamatioa Gabriel Rabearimanana, Sekretera Jeneralin'ny Monima, fa manana fotokevitra sy toe-tsaina ary fitondrantena nentina nitondrana ny tolona nataony nandritra ny 65 taona i Monja Jaona, ao anatin'izany ny fiorovana ny zo sy ny hasin'ny Malagasy, ny fandavana ny adim-poko sy ny fitandroana ny soatoavina Malagasy, ny fitakiana ny fahaleovantena tanteraka tsy miankin-doha amin'ny any ivelany, ny famolavo-

lana vina fampandrosoana mirindra miantehitra amin'ny herim-bahoaka sy ny harena voajana-hary. Ankoatra izany, nampahafantra an'ireo fotoana nanaovan' i Monja Jaona tolom-panafahana Andriamatoa Rabearimanana Gabriel satria vao 20 taona i Monja Jaona dia efa nifanandrina tam'inny "Admnistrateur Francais" ary voasokajy ho "Rebelles agitateurs anti-Francais". Tamin'ny taona 1943 dia nanorina ny fikambanana mafina antsoina hoe Jiny izy ary nandray anjara tamin'ny tolona 29 Martsa 1947. Tamin'ny taona 1971 no nanapoaka ny heti-bahoaka tamin'ny alalan'ny antoko Monima i Monja Jaona ary voafidy ho de-

piote teto Antananarivo tamin'ny taona 1984. Voatifitra teo amin'ny tongony i Monja Jaona tetsy amin'ny Cemes Soanie-rana ny taona 1992, re-hefa nitaky ny fahalalahana nandritra ny fitondran'ny Heryvelona. Nodimandry tamin'ny 03 Septembre 1994 i Monja Jaona ary tsy nisy nanohy intsony ny tolona ho an'ny fahafahana nataony hatramin'izao.

**Franck Razakambelo**

Fianakaviana Ravalomanana

## Fianakaviana tahian'ny Tompo, nahazo fahasoavana 2 sosona

Raha ny zava-nitrange ny volana aogositra lasa teo, sy ny alahady lasa teo dia hita sy tsapa fa fianakaviana tahian'ny Tompo ny fianakaviana Ravalomanana. Fahasoavana 2 sosona no azon'ny fianakavian'ny filoha Marc Ravalomanana satria nomen'Andriamanitra ny zafikeliny faha 4 indray izy ireo i Dada sy i Neny, andro maromaro lasa izay. Tonga soa i Timory Ravalomanana , ka natao batisa tao amin'ny fiagonana FJKM Imerikasinina Fanasina Antananarivo Avaradrano ny alahady teo. Hafaliana ny an'ny ray aman-dreny Claudia sy Tojo Ravalomanana zanaka lahy fahao-ron'ny filoha Marc Ravalomanana tamin'ny fahasoavana sy fitahiana avy amin'ny Tompo sy Andriamanitra nomeny azy ireo, ka nanolorany ny zanany ho eo ambany fahasoavan'ny Tompo, tamin'ny alalan'ny fanaovana batisa ity zazalahy kely, lahy tahaka an-drainy ity!



Ireo sasany mpikambana amin'ny birao foiben'ny antoko MONIMA.

## Ny Valosoa sy fakafaka

Fampianarana  
Hanimba azy ny fampidirana  
resaka politika

Aoka tsy ampidirana resaka politika ny sehatry ny fampianarana. Efa teny averimberina sy miverimberina mandrakariva hatramin'ny taona maro izany, ary mbola tsy maintsy hiverimberina ato ho ato. Ny antony, miha-hita taratra indray amin'izao fotoana izao izany toe-javatra izany. Eo ny fihetsika antemate-maka vonjy tavan'andro amin'ny fizarana fitaovana ho an'ny mpanala fanadinana, fa amin'ny toerana vitsy dia vitsy no anaovana izany ary anaovana resabe amin'ny haino vaky jery manohana ny fitondrana. Teo koa ny fanomezana fanampiana ho amin'ny fidiran'ny mpianatra any amin'ny sekolimpanjakana, mba ho fanampiana ny ray aman-dreny, hono. Dia toy izay ihany koa no natao tany amin'ny fitaovan-tserasera samihafa. Ankoatra ny zavatra samihafa, vao tsy ela indray koa izao, ary na dia atao somary tsy ivelesana aponga loatra aloha hatreto, dia tsikaritra ny zavatra tiana hahatongavana amin'ny fizarana zavatra amin'ireo mpianatra amin'ny sekolimpanjakana. Ao anatin'izany dia tsikaritra mazava ny fampidirana loko politika sy ny fihesana tiana hasisika ao an-dohan'ny zaza sy ny tanora Malagasy. Mazava loatra, fa tsy handray izany ny sekoly tsy miankina satria hanapotika azy izany. Tsy mila ary tsy ampidirana resaka politika ny sekoly sy ny fampianarana.

Nahoana ary no mitady hisisika hampiditra resaka politika ny fitondrana ankehitriny? Efa miendrika fampielezan-kevitra mialohan'ny fotoana ihany koa izany ho an'ny mpamakafaka. Rehefa amin'ny fotan'an'ny fampielezan-kevitra anefa, dia tsy azo atao mihitsy fa rar'an'ny lalana ny fametahana afisin'ny mpanao fampielezan-kevitra sy ny sarin'ny kandidà hirotsaka hofidiana ny rindrin-tsekoly; sy tsy azo anaovana fampielezan-kevitra ao anatin'y. Rehefa ivelan'izany fotoana izany ve dia ampidirina manginina sy antsokosoko ao amin'ny toeram-pampianarana ny resaka politika. Any amin'ny biraom-panjakana sy ny fanomezana toerana sy andraikitra ambony samihafa eny anivon'ny minisitera sy ny tontolo manodidina azy sy ny sekoly dia efa iaraha-mahita sy mahalala ny zava-mitranga ao ambadiky ny rida na ny sehatra ifamezivezen'ireo mpiasa ao anatin'y. Mieloelo mandrakariva ao ny resaka politika ary fantatra izany.

Tsy mahaso ny seha-pampianarana ny fampidirana resaka politika ao anatin'y ary hanimba ny hoav-in'ny mpianatra. Efa traikera efa hita izany ary iainana mandraka ankehitriny. Saropady toy ny sehatry ny fanatanjahantena izy. Ankoatra ny olana maro samihafa izay mbola mitoetra sy haharitra eo amin'ity seha-pampianarana ity, dia mbola hampannahy ihany koa ny hiseo ariana raha ny fahitana ny zava-misy amin'izao fotoana izao.

**Radafy**

Helisoa

## Ny Valosoa sy hadihady

## Hamehana

## Teti-dratsy entin'ny mpitondra manampatra fahefana

Tsy mbola namoaka fanapahan-kevitra haingana toy izao ny Fitsarana Avo momba ny Lalàmpanorenana (HCC), satria na mbola teo amin'ny fanehona ny tsy fanarahana-dalàna nataon'ny lehiben'ny governemanta sy ny Antenimieram-pirenena aza ny mpanao politika sy ny mpahay lalàna dia namoaka didy "tsy azo ivalozana" indray ity andrim-panjakana ity manoloana ilay didy hitsivolana nampifanolana ny Antenimierandoholona sy ny Antenimierampirenena dia nananganana ilay kòmisiôna (Commission Paritaire Mixte) izy ireo. Tsara ampahtsiahivina, fa rehefa tsy mahita marimaritra iraisana ilay kòmisiôna dia ny Antenimierampirenena no mñana ny teny farany. Raha ny vaovao dia ny alatsinainy 31 aogositra 2020 no nivory ny kòmisiôna tao amin'ny Lapa Maitso Anosikely, nanambara ny maro an'isa tao amin'ny kòmisiôna fa tsy afaka manao fanovana ao anatin'ilay didy hitsivolana satria fandiana ihany no azo hatao, ka "eny" na "tsia" no tsy maintsy fanapahan-kevitra. Nahatsiaro fa vitsy an'isa anefa ny solontena IRD avy ao amin'ny Antenimierampirenena tao amin'ilay kòmisiôna, ka nivoaka ny efitrano rehefa niroso tamin'ny fananganan-tanana. Tsy zava-baovao ary araka ny fomba fiasa eo amin'ny Antenimiera anefa dia mitohy ny favoriana na dia misy lasa nivoaka aza ary mandray fanapahan-kevitra ireo sisai tavela. Teo no niseho ny tsy fanarahana-dalàna satria nandefatratatitra, io andro io, tany amin'ny Praiministra ny filohan'ny Antenimierampirenena, fa tsy nisy hono marimaritra niraiana, ka dia nirosotamin'ny fandianiana ilay didy hitsivolana ny tao amin'ity Andrimpanjakana ity. Ny 01 septambra anefa ny tao amin'ny kòmisiôna vao nandefatratatitra ny fitanana an-tsora tany amin'ny Praiministra araka ny tapaka tao amin'ny favoriana teny Anosikely. Fotoanan'ny hamehana (état d'urgence) tokoa izay tsy anavahana na ara-pahasalamana na inona, ny eto Madagasikara ka afaka manao izay tiany atao ny mpanatanteraka na ny governemanta, ka tsy miraharaha ny Antenimiera intsony, indrindra ny Antenimierandoholona izay lasibatra ao anatin'ity didy hitsivolana ity. Efa iaraha-mahalala, araka ity didy hitsivolana ity, fa ho 18 sisa ny mpikambana ao amin'ny Antenimierandoholona raha 63 izy ireo araka ny Lalàmpanorenana. Ny Fitsarana Avo momba ny Lalàmpanorenana koa dia tsy njery izay tsy nifanarakana tamin'ny lalàna teo amin'ny fomba fiasa sy ny tsy fanajana ny dingana tsy maintsy na-

jaina sy ny rafitra tsy maintsy manao ny tatitra, kanefa dia neken'ny Fitsarana Avo momba ny Lalàmpanorenana izany. Tsiahivina fa dimy taona ny tetezamita, 2009-2014, nanao ahoana ny faripainan'ny Malagasy, ka an'hetsiny maro ny very asa, ary latsaka tao an-davaka mangitsokitsoka ny toekarem-pirenena. Tsy resahina intsony ny fanitsakitsahana ny lalàna ve-lona sy nanan-kery. Nanjaka ny fanaparam-pahefana sy fisamborana ary ny fampidirana am-ponja izay tsy nitovy hevitra tamin'ny filohan'ny tetezamita sy ireo mpomba azy. Nitombo dimy ambinifolo andro indray ny "hamehana ara-pahasalamana" na tsapa aza fa tsy ilaina loatra intsony izany satria efa toy ny tsy misy valanaretina intsony eto Madagasikara, raha ny fitakosinana etsy sy eroa, toa ny ataon'ny filohan'ny Repoblika. Tsara kokoa raha samy miaro ny tenany sy ny manodidina azy satria toa teti-dratsy entin'ny mpitondra manampatra fahefana fotsiny ny "hamehana". Na inona na inona fahadisoana ataony dia tsy ho voahozongozona aloha ireo mpikambana ao amin'ny HCC, fa ho eo foana mandritra ny fe-potoana iasan'ny filohan'ny Repoblika. Nandrasana ny fanapahan-kevitra nanafoanana ny "hamehana ara-pahasalamana" kanefa niniana tsy nofoanana, mba hahafahan'ny filoha sy ireo rafitra mpiaradika aminy manao izay danin'ny kibony eo amin'ny fitantanana ny Firenena. Tsapa tokoa mantsy fa mitety faritra ny filohan'ny Repoblika tato ho ato ary tsy ny fanampiana noho ny fibohana no nozarainy tetsy sy teroa, fa manome jiro mandeha amin'ny angôvo azo avy amin'ny masoandro. Sady tsy manamaivana ny fahantana mihapampana eo amin'ny vahoaka Malagasy izany no tsy manaporofa fa voafehy ny aretina Covid-19, izay efa miparitaka manerana ny Nosy. Na misy na tsy misy fanalavana ny fepotoana iasan'ny filohan'ny Repoblika, fa ny famerana ny isan'ny Lohona ho 18 ihany no hanaovana fitsapankevi-bahoaka dia miendrika fampielezan-kevitra mialohan'ny fotoana sahadys izao ataon'ny filohan'ny Repoblika izao. Tsy misy izany fanjakana tan-dalàna sy fanjakana tsara tantana ary fanjakana mandala ny fanjakam-bahoaka (demokrasia) no misy eto, fa fanjakana mirona any amin'ny fanjakana tsy refesi-mandidy. Aza manjeny ny andro ho lava, fa tsy ampoizina ny andro iray hitsimbadian'ny tantara.

Andry Tsiavalona

Andrim-panjakana

## Toa tsangan-drafitra fotsiny ny HCC, CENI, HCJ, BIANCO, CSI, SAMIFIN, CNIDH, HDDED, CFM

Malaza ho ahitana rafitra isan-karazany ny lalampanorenana Repoblika fahaefatra, kanefa toa malaza tsy ihinanana toa viliansahona ireto izy. Misy ny atao hoe tsangan'olona ho an'ny olona tsy mahavita ny adidiny, fa ireo rafitra misy eto amintsika dia antsoina kosa hoe tsangan-drafitra, izany hoe rafitra tsy mahavita ny adidiny.

Ny HCC na Fitsarana Avo momba ny Lalàmpanorenana, iray amin'ireo andrimpanjakana lehibe in-drindra eto amin'ny firenena, natao handray fanapahan-kevitra ahatonga ny firenena ho tan-dalàna, kanefa dia niarahanahita ny nataon'ity fahefana mpitsara ity tamin'ny fididianana nisy teto amintsika ary ny farany dia ny fankatoavan'ny HCC ny fandikan-dalàna nataon'ny Praiministra sy ny governemanta ary ny Filohan'ny Antenimieram-

pirenena mikasika ny CMP, na commission mixte paritaire, vaomiera iombonana isasahana.

Ny CENI, izay natsangana mba hisian'ny fididianana madio sy tsy mitanila, kanefa dia nibaribary ny nanjo an' i Thierry Raktotonarivo, ilay mba hany mpikambana tao amin'io rafitra sahy namoaka ny fision'ny lisi-pididianana feno hosoka io, kanefa dia izy indray no voatsipaka ambavafo, tsy takona afenina fa tena tsy mahaleo tena ilay Ceni.

Ny HCJ, ilay fitsarana natao hitsara ireo tompon'andraikitra ambony nanao hadisoana, kanefa tsy hita izay fandraisian'andraikitra manoloana ny hadisoana vitan'ireo mahatrehatreha eto amin'ny firenena.

Ny BIANCO, biraو mahaleotena iadiana amin'ny kolikoly, ny SAMIFIN sampandraharaha miady amin'ny famotsiambola,

ny PAC fitsarana natao hitsara ireo raharaha momba ireo kolikoly rehetra, ny CSI dia filankevitra ambony momba ny ady amin'ny fahalovana, anarany fotsiny ny an'ireo rafitra voalaza ireo, fa tsy hita izay hafitsony, io iahaha-mahita io ny raha-aha tsy mazava nataon'ireo minisitra toy ny "bonbon sucettes, colisée de la honte, ecran plat, sns... Ny CNIDH, vaomierampirenena mahaleotena momba ny zon'olombe-lona, ny HDDED, Filankevitra ambony momba ny fiarovana ny demokrasia sy ny tany tan-dalàna, ary ny CFM na ny Filankevitry ny Fampihavanana Malagasy, angady tsy mahatapa-kahittra avokoa ireo rehetra voalaza ireo. Manjaka ny tsy fanarahana-dalàna eto amin'ny firenena ary mihâtra aman'aina izany, mitavozavoza tsy mandray ny andraikitra tandrify azy ireo rafitra

voalazan'ny lalampanorenana ireo, tsy mahagaga satria matahotra ny sezany avokoa ireo, satria ny mpitondra faratampony dia Ingahy filoha no mpanendry. Toa rafitra mihinam-bolam-panjakana fotsiny ireo rafitra voatansisa ireo, fa raha ny asa mivaingana ataony dia toa tsy hita, ny CFM izay tokony hijery ireo gadra politika ohatra, tsy mbola nahazo ny fanonerana tokony ho azony izy ireo,... Soa fa mbola misy ireo firaissa-monina sivily, mbola sahy mijoro milaza ny marina sy ny Holafitry ny mpanao gazety miaraka amin'ireo mpampahalala vaovao gazety, tsy manaiky lembenana ary in-drindra ireo vahoaka malagasy maro an'isa, izay minia mangina kanefa tsy maintsy haneho ny heviny amin'ny fotoana mahatrehatreha eto amin'ny firenena.

Manjaka ny tsy fanarahana-dalàna eto amin'ny firenena ary mihâtra aman'aina izany, mitavozavoza tsy mandray ny andraikitra tandrify azy ireo rafitra

## DEPIOTE ME HANITRA RAZAFIMANNATSOA

## Lasa fanararaotam-pahefana ny « Etat d'urgence sanitaire »

Maneho ny heviny taorian'ny kabarin'ny filoha Andry Nirina Rajoelina tao amin'ny fahitalavitra ny alahady alina, lasa teo, ny solombavabahoaka voafidy tao amin'ny boriborintany voalohany, Me Hanitra Razafimannantsoa. Nanambara ity farany fa ny lojikan'ny filoha, tsy lojikantsika vahoaka hoy izy.

Sambatra ny artista zatra mampiasa ny Coliseum fahomeny "gratuit" na maimaimpoana dia olona firy moa zany no zakany ? sa ho olona tsy mihoatra ny zato no hanatrika lanona eny amin'ny Coliseum Antsonjombe ? Ny Fiagonana ferana 100 na kely na lehibe ny habenyl ary mbola voarara ny fandraisana fanasan'ny Tompo. Fa ilay "fandraisana" any amin'ny FJKM mifitsy no tsy fantatry ny filoha, na ny hasiny sy ny fomba-fanaony ? Na ny an'ny Katolika koa aza tsy hisy olona hisotro divay mifandimbidimby izany. Ny an'ny FLM sy Anglikana koa toy izy.

Fa ilay resaka tsemboka mamindra aretina no maha-variana. Vaovao indray io. Tsy mahazo mandihy manao slow hoy izy. Fa ireny fety na lanonana na famoriambahoaka be dia be ireny ahoana? Na ny masoandro midanika io aza dia mahatsemboka. Kanefa dia nataonareo sy nasainareo natao foana na tanaty fibohana tanteraka aza.

Fa eo koa ny fanilihana sy tsy firaharahiana ireo karazan'asa sy orinasa efa mitaraina sy mitalaho, mangatoka fanamorana na fanafoanana ny hetra ohatra, fangatahana fanampiana tsy misy valiny, fa aleo ireo izay tsy mangatoka sy efa nahazo fanampiana no mbola iangarana.

Mbola maro ireo mitaraina fa tsy nahazo vatsy. Tsy volaampaosinareo io fa fanampiana avy any ivelany sy tro-santsika Malagasy. Ataovy mitovy ny fizarana dia samy mahazo.

Maninona koa moa rehefa déconfinement total ihany izy ity dia ampitoviana daholo e, aza rarâna ny tsy tokony ho rarâna. Dia farano any io État d'urgence sanitaire io, fa lasa fanararaotam-pahefana sy famerana ny fahalahahana fotsiny. Efa samy mandeha samy mitady izao ny olona, dia samy mitandrina sy samy mitsaboka raha sanatria ho tratra ny coronavirus.

Helisoa



TONONKALO

## Ny sola aty aminay

Ny sola natao ho fitaratra indray No mazâna mamotaka aty aminay, Fa dia izy noheverina hoe mba hanirina, Indrisy, mandoza, manao loham-pirina !

Raha misy ketrika malotoloto Dia io "solapaika" fa tena mazoto. Mandidy, manapaka, tsisy fierana Fa an-dry zareo, hono, ny fahefana!

Tsy misy izay resaka hoe tolo-bidy Fa tonga dia mihatra avy hatrany ny didy. Ny zava-drehetra, tsy mananosarotra, F'izy, mpividy no sady mpivarotra !

Gaga sy zendana ny olon-drehetra F'izao ilay hoe bizina tena voretra. Ka dia mandiniha, mihevera ry sola. Tsy mety ho mangidy tokoa ve ny vola ?

Raha rano roa siny no indray lolohavina Diniho ihany izay mbola hodiavina. E ! ito loha efa tena mangirana Sao hibolisatra tsisy hamikirana !

## ANTSO FIARAHAMONINA KRISTIANA ( AFK )

## Tsy nofinofy ny hahafahana mampandroso an'i Madagasikara

**H**o potika ny firenentsika raha izao no mitohy. Azo atao anefa ny mamoaka ity firenena ity. Nahita sy manana ny fomba sy lâlana ho amin'izany ny Antso Fiarahamonna Kristiana na AFK. Misy andry sivy fototra no hajoro amin'izany farafahakeliny, ary ireo dia miteraka fifampitokisana. "Plateforme de symbiose organisationnelle", no iantsoana azy io. Azo atao ny miara-monna tsy mifampitsitsitra, tsy mifanambaka, tsy mifamono fa mifanohana sy mifamelona, raha araka ny fanadihadiana lalina nataony. Manome lanja ny olona ny zava-dehibe amin'ny asa atao hihain-gâna. Avy amin'ny zavatra hoentin'ny tsirairay no hampifandraisina sy ham-pivelarina. Ny vokatr'izay no hahafahantsika mifehy ny toekarentsika, fa tsy ilâna mpamatsy vola, na fanampiana avy any ivedany izany. Tsy nofinofy ny hampandrosoana an'i Madagasikara; fa mitombona ara-teknika sy sian-tifika ny fanadihadiana nataao, hoy i Andriamparany Ricky, filohan'ny AFK. Io fanadihadina io



Ricky Andriamparany sy Fitahiana Andrianaja, anisan'ny nanoratra ireo boky vao navoakan'ny AFK.

sy ny tari-dâlana atolony dia narafitra ao anaty boky avokoa. Taorian'ny boky voalohany navoakany tamin'ny volana jona, dia boky roa avy hatrany no novokarin'ny AFK, nampahafantarina Sabotsy 05 Septembre lasa teo teny Ivandry. Ny iray izay boky faharoa, dia mifantoka amin'ny fihavanana; mitondra ny lohateny hoe "La gestion harmonieuse du changement dans le Fihavanana: vers un Fihavanana symbiotique et symbiotisant", izay novokarin'i Ricky Andriamparany sy Fitahiana

Andrianaja. Fihavanana tsy mifampitsitsitra, tsy mifanambaka, tsy mifamono, fa mifanohana sy mifamelona. Raha ny fanadihadiana nataon'izy ireo, dia ny olona te-hihavana amin'ny mpiara-be-lona aminy an-kalalahana fa tsy an-teritory. Ny boky faharoa kosa dia mitondra ny lohateny hoe "Alignement stratégique sur la vision existentielle de Madagascar", izay nosoratan'ny filohan'ny AFK. Mangataka ny hisian'ny adihevitra sy dinika nasionaly na "débat national" ny Antso Fiarahamonna

Kristiana amin'ireo mababe resaka sy adihevitra eto amin'ny firenena, momba ireo fiheverana samihafa momba izany, na ihany koa ny amin'ny lafin-javatra tsy sahy re-sahina aza toy ny resaka foko, na adim-poko rangintina etsy sy eroa. Tsahivina fa efa nisy ny angon-kevitra vita niainga avy amin'ny fikaonandoha ara-toekarena natao teny amin'ny Sekoly ambony IMGAM Ivandry ny Oktobra-Novambra 2019, ary miampy izao hevibaovao marim-pototra sy mitombona voarakitra ao anaty boky maromaro izao, dia tian'ny AFK ny hihona sy hampita izany amin'ny filohan'ny Republika. Mandrapiandry ny hisian'izany anefa dia miroso manao asa hatrany ireo mpikambana ao aminy. Marihina fa niorina ara-panjakana tamin'ny taona 2017 ny AFK ary tsy manao politika izy. Efa azo jifaina ihany koa eny amin'ny Librairie Antso sy ny Librairie Mille Feuilles Behoririka ireo boky ireo, na antsoina ny Laharana finday 034 06 532 41.

Ny Valosoa

## Ambohidahy

## Nanatitra fitoriana teny amin'ny HCC ireo loholona



Manoloana ny tsy fanaran-dalàna nataon'ny fitondram-panjakanana tamin'ny fandraisana fapanahan-kevitra mahakasika ilay volavolan-dalàna laharana faha 001/2020, dia tonga nanatitra taratasy mitory ny tsy fanaran-dalàna tamin'ny fepetra narahina mahakasika ny "texte à valeur législative" araka ny voalaza ao amin'ny andininy faha-118 ny Lalampanorenana, tetsy amin'ny Fitaramana Avo momban'ny Lalampanorenana (HCC), ireo solontenan'ny Loholoni'i Madagasikara, izay notarihan'Andriamatoa Mamitiana Fabergé Gabriel omaly alatsinainy

faha 07 septembra 2020. Nambaran' ny Loholoni'i Madagasikara Mamitiana Fabergé fa nanomboka tamin'ny famoahana ny vokatr'ny fivoran'ireo vaomiera iraisana isasha dia efa nisy ny tsy fanaran-dalàna, izay

nolazainy fa i Madagasikara dia bicameral, ka ny tatitra izay noentina tany amin'ny Praiministrat Lehiben'ny Governemanta dia tokony ho tatitra voasonian'ny Filohan'ny parlementa roa tonta, nefo tsy nisy sonian'ny filo-

han'ny Antenimierando-holona izany. Manainga ny fanaran-dalàna eto amin'ny tany sy fanjakana izy ireo, nambaran'ny Sénateur Mamitiana Fabergé, fa ny mpitondra no tokony halain'ny vahoaka tahaka amin'ny fitondrana ny firenena.

Manoloana ny fididianana Loholoni'i Madagasikara sy ny fomba nitsinjarana ny isany dia nambarany fa tsy maintsy miady ho an'ny faritra izy ireo, tsy mifanaraka amin'ny fitsin-jaram-pahefana tena izy eny anivon'ny faritra no nanaovana azy hoy ny fambarana.

Helisoa

## Valanaretina coronavirus

## Niampy 2 ny lavo omaly, 33 ny tranga vaovao, 45 no sitrana

Sitrana kosa dia 14184. Niampy 8 ireo marary mafy, mbola misy 51 arak'izany ireo marary mafy noho ity valanaretina ity manerana ny Nosy. Na efa nalefahana azan y fibohana eto amintsika, mila mitandrina sy manaraka ny fepetra ara-pahasalamana hatrany ny rehetra satra dia mbola misy ny valanaretina corona hatramin'zao dia 15352, ny



Ny tarehi-marika avy eny amin'ny CCO covid 19 Ivato omaly.

Aly

## Sakafo Ny Valosoa



Drakaka na fozabe saosy indray no laoka amin'ny Sakafo eto amin'ny gazetinao androany. Atao saosy amin'ny voatabia sy tongolo ary sakaitany na sakamalaho ny drakaka. Dia mazotoa homana tompoko.

## NY VALOSOA sy Mahaso

## Ny soa azo avy amin'ny voankazo ampalibe


Ny soa azo avy amin'ny voankazo ampalibe indray no Mahaso eto amin'ny gazetinao androany. Anisan'ny voankazo tena mamy tokoa ny ampalibe sady manitra ihany koa. Ireo zava-tsoa avy aminy: miaro amin'ny anémie, na tsy fahampian'ny ra; tsara ho an'ny taolana, misy Calcium sady miaro amin'ny retina ostéoporose: retin'ny taolana. Miaro amin'ny retina Cancer, na homamiaidana. Mampatanjaka ny hery fiarovana; mam-pilamina ny tosi-drâ; manala ny tavy; tsara ho an'ny hoditra. Manampy amin'ny fandevonan-kanina; mampihena ny risika amin'ny fahasimban'ny fo; mampisy fitadidiana.



## NY VALOSOA sy Mahaliana

## Ny tanànan'i Maroambiny, any amin'ny distrikan'i Sambava, faritra Sava

Ny tanànan'i Maroambiny, any amin'ny distrikan'i Sambava, faritra Sava indray no Mahaliana eto amin'ny gazetinao androany. Renivohipity ny kaominina Maroambiny ity tanàna ity. Somary avo toerana izy, satra 695 m ny haavony mihatra amin'ny ranomasina. Somary afovoan'ny faritra Sava no misy azy. Amin'ny maha-kaominina ambanivohitra azy dia ratsy ny lalana mihazo an'i Maroambiny, tanàna mamokatra anefa izany tanàna izany sy ny kaominina misy azy, mamo-katra ny vokatra fanondrana lavanila.



FAFY RANDRIA

# Vehivavy miangaly ny gadona Pop Rock

**TAFARESAKA TAMIN'NY GAZETY NY VALOSOA VAOVAO NY MPANA-KANTO VEHIVAVY FAFY RANDRIA, IZAY MIANGALY NY GADONA POP ROCK, MAHAKASIKA AZY NY TONTOLON'NY KANTO. DINIDINIKA.**

-Gazety Ny Valosoa Vaovao (GNVV) : inona aloha izany no tena mampiavaka ity tarika Fafy Randria ity?

-Fafy Randria (FR): ny mampiavaka ny tarika Fafy Randria izany dia ny ao anatin'ilay tarika izany, izaho irery no vehivavy aloha, dia lehilahy daholo ny ankoatra an'izay. Ny mampiavaka anay amin'izao, ilay gadona atao-nany dia ilay antsoina hoe Pop Rock, mbola ankavitsiana no manao an'izay eto, indrindra fa hoe vehivavy, tsy dia misy no miangaly an'izay Pop Rock izay.

-GNVV: ahoana marina ny mahakasika an'izay gadona Pop Rock izay?

-FR: ilay gadona Pop Rock dia gadona somary mavesabesatra, mitovy amin'ny Rock ihany, fa tsy hoe tena mavesatra be koa anefia.

-GNVV: inona no efa dingana vitan'ity tarika Fafy Randria ity?

-FR: ny dingana efa vita aloha, raha hoe eo amin'ny fiakarana an-tsehatra sy ny ohatr'izay aloha mbola tsy nisy, fa ny f-



moahan-kira, sy ny album, sy ny fandefasana azy amin'ny tele sy radio, izay aloha ny dingana hoe efa vitanay hatreto. Ny hira efa vitanay efa maromaro, efa mihoatra ny 12 dia ny tena ahafantarana anay dia ireo hira mitondra ny lohateny hoe : "Tsiaro anao", sy "Tsy mahafoy", izay no lohatenin'ny hiranay hoe tena ahafantarana'ny olona anay.

-GNVV: ireo hira ireo ve efa voarakitra anaty CD na DVD?

-FR: raha hoe ny album aloha dia mbola miandry kely, satria ilay toe-drahabaha koa mbola sarotsa-

rotra. Fa tsy maintsy hanao raki-kira na album ihany izahay ato ho ato.

-GNVV: ao aorian'ny hamehana ara-pahasalamana sy ny fihibohana tokoa, inona tokoa izany ny tetikasanareo ho fanaparitahana ity Pop Rock ity?

-FR: ny tetikasanay izany dia hiezaka hanao fampisehoana, dia hiezaka hiara-hiasa amin'ny mpanakanto sasany koa.

-GNVV: ahoana tokoa izany no nahatonga anao hoe hihira Pop Rock nefo nihira ara-pilazantsara taloha?

-FR: nanana tarika hafa tokoa aho taloha tao anivon'ny fiangonana izany, tsy chorale na amboaram-peo ilay izy fa tarika tsotra. Dia izahay tarika vaovao izany nifanaraka hoe: aleo ity gadona ity indray no ataontsika, satria ity tsy mbola dia misy loatra ny mpanao azy eto amintsika, sady koa hafa indray raha vehivavy mihitsy no miangaly izay gadona Pop Rock izay, dia izay no nahatonga ilay safidy.

Aly

Groupe Thierry

## Mitory amin'ny mozika tropikaly

Tsy voatery ny hira amin'ny gadona maka milamina sy feno toreo hantrany no hahafahana manely ny filazantsara anatin'ny kanto an-kira, fa azo atao tsara ihany koa ny mampita izany anatin'ny gadona mihetsika sy mampisonenika am-pitoe-rana. Ny fahatsapanana izany no nanosika an'i Thierry sy ireo mpitendry zavamaneno miaraka aminy mampiasa tsy ampihambahambana ny mozik'an'ny tany mafana « Mozika tropikaly » hoenti-mitory ny fahatsaran'Andriamanitra sy mafay ny soratra masina.

**Gadona mihetsika, tononkira mora raisina**

Nahatsapa izahay ato anatin'ny tarika, hoy i Thierry fa voarain'ireo mpanjifa ny hafatra norai-kekin'ireo tononkira izay narafitra avy amin'ny trans-gam-piaianana andavandandro sy notakarina avy amin'ny tenin'Andriamanitra voarakitra anatin'ny baiboly. Nanamora ny fampitana ny vatsim-pahahy anatin'ireo tononkira ihany koa ny nanakorisa azy ireny teo ambonin'ny gadona mihetsika toy ny salegy, tsapiky,

reggae, soukouss, RnB, sns... hoy hatrany ity mpanakanto vao erotroney amin'ny fiangaliana ny mozika mitaiza fanahy ity.

Noravahana dihy narindra mba hifanaraka amin'ny maha « mozika evanjelika » ihany koa ireo sangana-san'ny groupe Thierry, mba hahafahana manome fahafinaretana ny maso ankoatra ny vatsim-pahahy tovozina anatin'ireo tononkira.

Manana fanomezam-pahosoavana eo amin'ny lafiny famoronana tononkira sy feony sahaza izany i Thierry. Havanana ihany koa ny tovolahy eo amin'ny fitendrena ny aponga maroanaka sy ny gitara.

Ireo samy entiny midera ny Tompo sy mampiely ny vaovao mahafaly.

Amperiny amin'ny fiketrehana ny kapila mangirana laharana voalohany amin'ny endrika DVD ankehitriny i Thierry sy ireo mpiara-miombon'antoka aminy, eo amin'ny sehatry ny mozika. Andran-tsira ho amin'izany ny namoahana ny vazo « Mamelà anay » narindra amin'ny ban-kira RnB. Ity farany izay efa nahababo fo mpankafy maro tokoa.

Ho an'i Thierry antso avy amin'Andriamanitra ary iraka tsy maintsy efaina ny fitoriana ny filazantsara amin'ny alalan'ny hira sy mozika ary dihy.

Lalasoa R.



Thierry, mampiasa ny « Mozika tropikaly » hoenti-mitory.

"Ary hoy Izaho aminareo: mangataha, dia homena hianareo; mitadiava, dia hahita hianareo; dondony, dia hovohana hianareo."

Lioka 11:9

facebook

**NY VALOSOA**  
Gazety misoko Intelo Isan-Kerinandro  
VAOVAO

Hetran'ny CUA : tsy mahalala ny Malagasy sy Antananarivo ny ben'ny tanàna Vazahabe



**Nantenaina Dera :** ilay hetra amin'ny fandokoana sy fanamboarana trano eto Antananarivo dia midika fa tsy malagasy niaina teto Madagasikara izay nanoratra an'io. Tena tsy mahalala ny Malagasy sy Antananarivo ny ben'ny tanàna Vazahabe, Naina Andriantsithaina

**Eto Antsirabe, Ampitapitao eto Bira :** nasiana fanamboarana ny tetabolan'ny Kaominina Antananarivo Renivohitra, ka handoavana hetra ny fanavaozana ny trano manomboka izao :

- 1.500 ar/m<sup>2</sup> ny fandokoana ny trano na anaty na ivelany..

- 1.000 ar/m<sup>2</sup> ny fanamboarana ny dallage ao anaty trano.

-1.000 ar/m<sup>2</sup> raha hanolo tafo. Ho rahahaha izy 'ty.

**Nantenaina Dera :** ity ilay hetra stuppe mampiseho ny lentan'ny mpitonandra ankehitriny ... Mampiseho fa mpitondra tsy mahafehy ny asany ny ben'ny tanànan'Antananarivo sy izao fitondrana Rajoelina izao mihitsy.

**Tojo Herilala MG :** aza adino ny frais de dossier sy droits hafa, mbola lafo noho ny vidina loko sy karaman'ny mpandoko ny fitambaran'ny hetra re-hefa atambatra. Ekena hoe misy hetra aloha raha nouvelle construction, fa ilay fandokoana kosa aloha tsy rariny e, tsy tokony hisy an'izany intsony.

**Ninie Rasolo :** any ivelany mampiseho porofo ny tompon-trano, fa nanao fanamboarana dia mihena ny hetra aloha. Ny antsika mifanohitra amin'zany, vao mainka hampiakarina, tena tsy mahafehy ny asany mihitsy Vazahabe sy ny ekipany e!

**Njarah Lalah Andrianas :** ary ohatriona hono ny hetra raha handeha handro hikarakara ny tena ? hihihiiiiii!

**Saaz Marline :** raha manusotra savoka hono dia ohatrinona? Tena mampihomehy mihitsy ilay ben'ny tanàna sy ity fitondrana Rajoelina ity mihitsy e !

**Koly Ranoroarisoa :** koa maninona raha andoavana hetra daholo ny rehetra na manao fb ary. Tena tsy manambola ny CUA, dia tadiavina daholo izay fomba ahitana vola, sady mampihomehy no mampalahelo.

**Mboara Ramanankolazaina :** tena tsy dia azoko loatra, ny aty ivelany manome subvention na crédit d'impôt ny

fanjakana amporisihana ny olona hanavaozana ny tranony ny any @ tanàna mandoa hetra rehefa manavao trano ... tena tsy misy saina mihitsy kle. Tena fitondran'ny mpanaoatao foana.

**Lalanirina Noroarivelox :** mino aho fa ny an'ireo mpitondra fanjakana manana tranobe rehetra ireo zany no tena mandoa volabe, raha tena hampiharina tokoa izany fandoavana hetra amin'ny fandokoana sy fanavaozana ny trano izany.

**Chantal Rahamelison :** zao no atao hoe resak'adala. Hitety trano zany zareo hoe sao dia misy mandoko trano. Mampihome mihitsy ka. Ny vola aloa rehefa hiteraka amin'ny CSB an'ny kaominina koa tena lafo ho an'ny sarambabem-bahoaka ilay 10000 Ar.

**Fifi Rakotondrabe :** firenena iza no nalaina tahaka ? ny an'ny olona aza ampiana ny olona manavao ny tranony.

**Soa Lalao Raveloarison :** shhhh..... ary raha hanao dallage sy wc? Tsy misy handoa an'izany kosa aloha e! sady tsy ho araky ny kaominina ny hanara-maso ny olona rehetra hanavao ny tranony izany.

**Manantsoa Rado Andria :** tiana hanantra, sa tiana tsy hanara-dalàna daho zany ny olona no handoko trano dia handoavana hetra. Fanabotriana mihitsy zao, lasa hendry loatra kosa ramalagasy raha manaiky an'izao, lay ben'ny tanàna Vazaha mihitsy no tsy maharaka izay misy eto amin'ny firenena e!

**Jeaninne Rkt :** grave b, tsy ho voafan'ny sarambabem-bahoaka kosa izany hetra isan-karazany amin'ny fanavaozana trano izany, tokony hamporisihana aza izy amin'ny fanampiana azy ireo amin'izany fanavaozana trano izany.

**Judith Randrasana :** ary tamin'ny namaky ilay post anie aho dia noheveriko hoe tompon-trano sy mpanofa ilay izy... Lazain'Ingahy ben'ny tanàna indray fa efa tamin'ny teo aloha ireo hetra ireo, nisy anefa ny fanitsiana ny tetibolan'ny kaominina vao tsy ela teo, ka inona no marina. Toa mpandainga koa ity ben'ny tanàna Vazahabe ity. Tamin'ny fivoriania tsy ara-potoanan'ny Conseillers Municipaux dia nolazainy fa tsy tao anatin'ny program any TOM, nefy ny fantsosana voarain'ny mpanolotsaina dia voasoratra mazava tao.

## KAOMININA FIOMBONANA ATSIMONDRAKO

## Manao kiantranoantrano ny komity loharano ka mampitaina ny mponina

**E** fa hatrany am-boalo hany amin'ny fizara fanampiana amin'ny mponina no tsikitra, fa manao kiantranoantrano ireo olona ninditra ao anatin'ny mpikambana Komity Loharano eny amin'ny Kaominina Fiombonana ao anatin'ny distrikan'Antananarivo atsimondrano. Misy mihitsy aza ny fanavakahana tokantrano ao anatin'ity kaomina ity ataon'ireo mpanao fanadihadiana avy amin'ity komity ity, ka mampitaina ny mponina. Izy ireo no nanivana ireo tokantrano tokony hitsiraka ny fanampiana, na avy amin'ny FID, na avy amin'ny fitondrana. Ireo kinamanamany sy mifandray amin'izy ireo ihany

na ihany koa ny mifandray loko pôlitika aminy araka izany no misitraka hatrany ny fanampiana. Hita ho mandehandeha mitety ny kaomina izy ireo taorian'ny filazana, fa mahaizo avokoa izay manana karnem-pokontany, kanefa misy ireo tokantrano dinganina avy hatrany tsy nasiany fanadihadiana na kely aza. Maza va loatra, fa ny lisitra eny am-pelatanan'ireo komity loharano dia efa vita soratra mialoha tany ambadika tany. Tsy nisy araka izany ny fanadihadiana vaovao nataon'izy ireo, fa mba hiseo hoa navelany fotsiny ho nanao ny asany ity komity loharano ao amin'ity kaomina. Tsy mitsahatra ny fanaraotana ataon'ireo mpi-

ireo tokantrano navakavana tsy nasiana maso na kely akory aza ary tsy norahirahiana mihitsy, dia misy amin'ireo mpikambana ao anatin'ny komity no mahazo hatrany, izay fanampiana avy amin'ny fitondrana nozaraina ho an'ny vahoaka. Rehefa dinihina anefa dia tsy ao anatin'ireo olona marefo izy ireo, fa fitadiavana tombontsoa fotsiny no nidihana ao anatin'ny komity. Araka izany dia lasa kiantranoantrano ny zavamisy amin'ny fanampiana avy amin'ny fitondrampanjakana ao amin'ny kaomina Fiombonana ao anatin'izao hamehana ara-pahasalamana izao. Tsy mitsahatra ny fanaraotana ataon'ireo mpi-

kambana ao amin'ny komity, ary tsy misy mihitsy ny fiezahana hitsinjo ireo tokantrano sahirana hafa, sy hanatona azy ireo. Vao tamin'iny herinandro iny izao, dia re fa amin'ny alina no hizaran'izy ireo ticket amin'ny fanampiana. Izany hoe, tsy amin'ny fahamarinana ny fomba fiasan'ity komity loharano eny an-toerana ity. Tsy hampisy firaisan-kina ireo mponina eny an-toerana ny vokatr'izany. Ny tsikaritra dia tsy misy mihitsy ny fanaraha-maso ny fomba fiasany sy ny vokatry izany asany izany, fa manaram-po toy ny "banga mihomehy alina" izy ireo amin'izao ataony izao.

Radafy

Fiainana andavanandro

## Mbola ho ela vao hiarina ny fahefa-mividin'ny vahoaka



katr'izay, mihena ny sandan'ny entana jifaina eny an-tsena.

Fotoana tena hividinan'ireo ray aman-dreny manan-janaka hianatra fitaovam-pianarana izao. Miferin'aina anefa izy ireo noho ny vola kely eo am-pelatanana izay zara raha misy sandany. Ny kitapom-bolan'ny isan-tokantrano rahateo nokachin'ny krizi ara-pahasalamana nandritry ny volana maro. Ny sekoly fanaran-janaka tsy te-hahalala, fa ny fan-

doavana saram-pianarana nandritry ny volana tsy nianarana ihany ny azy, miampy ny saram-pisoratana anarana vaovao ary ny fitakiana ireo kojako sy fitaovam-pianarana tsy maintsy ilaina. Izany hoe, ireo ray amandreny dia rotehain'ny olana maro loha amin'izao fotoana izao.

Rehefa jerena anefa ny fi voaran'ny raharaha-pirenena, dia mbola ho ela vao hiarina ny fahefa-mividin'ny vahoaka eto amin'

ity firenena ity. Laraha-mahita tsara ny fomba fiasan'ny fitondrana ho amin'ny fanarenana ny toekarena. Mandringa ny lafiny sasany izay vao mainka potehiny sy hitsakitsahany aza kanefa tena mahakasika mihitsy ny any amin'ny kitapombolan'ny isan'ny tokantrano Malagasy. Ireny tokantrano voatohinhoina ireny araka izany dia ho very tanteraka ao anatin'izao vanim-potoana izao. Io fomba fiasan'ny fitondrana io, dia ahafahana mamaritra mazava fa mbola ho ela vao hiarina ny fahefa-mividin'ny vahoaka. Izany hoe, mbo la ho ela vao hahita mangirana amin'ny fihatsaram-piainana ny vahoaka Malagasy, fa aza manaiky hampanofinofisina amin'ny kabary tsara la-hatra isan-karazany rehetra izao.

Sôh'son

Ampahana vahoaka Malagasy

## Tsy rahirahin-dRajoelina sy ny fitondrany izay hahafaty azy

Lainga sy fihatsarambelatsihy ny filazan-dRajoelina sy ny fitondrana, fa mahatsapa ny fahoram-bahoaka sy ny fahantrany. Miharihary, fa tsy vahoaka manontolo no ambarany amin'izany, satria misy ampahana vahoaka eto amin'ity firenena ity, tena odian-tsya hita ny fahavoazany ary tsy misy ny fiezahana hiraharaha azy ireo. Nanomboka hatrany amin'ny fiantombohan'ny fotoana fidirana amin'ny hamehana ara-pahasalamana izany. Tena misy ny natao zanak'ikalaha azy tsy namakiana loha izay fahavoazany any. Laraha-mahita izany amin'ireo mponina eny anivon'ny fokontany na kaomina maro samihafa mitaraina, fa tsy mba misitraka ny fizarana hatramin'izay, ary mbola tsy hahazo amin'izao fotoana izao. Saika isan'andro no andrenesana izany amin'ny haino aman-jery, ary hita izy ireo fa tsy mba misy hitarainana sy hisarangotana akory. Tsy re mihitsy anefa izay fihetsika na fepetra noraisin'ny teo anivon'ny FID na ny fitondrana momba izany. Izany hoe, ireo sokajin'olona tsy misitraka ny fanampiana ireo, esorina ireo mpiasam-panjakana na ma-

nana ny ampy tsy ao anatin, fa izy ireo dia tena sahirana ara-pivelomana mafy tokoa amin'izao fotoana izao, dia adino tanteraka, tsy misy miraharaha. Ao anatin'izany ny governora, ny lehiben'ny distrika, ny De piote, ny Ben'ny tanana, ny Sefo fokontany, miaraka amin'ny sefo sektera any amin'ny fokontany, dia tsy mivaky loha amin'ireo olona na tokantrano sy fianakaviana ireo. Izany hoe, izy rehetra ireo dia miray petsapetsa tsy mandrahara na miasa saina ireo olona ireo. Raha aravona izany, izao fitondrana ankehitriny izao, dia fitondrana tsy mahavita miandraikitra ny fitsinjovana tanteraka ireo vahoaka ao aminy. Misy avelany ho sahirana sy afoiny ho faty eo, ary misy tamponany maso amin'ny fanampiana eo am-pelatanany tsy hahavita am-bolana akory fa tsy aman-taonany. Raha mbola fitondrana tsy mahavita misahana ny fitsinjovana sy ny fiveloman'ny mponina ao aminy, dia fitondrana tsy mahafehy ny fitantanam-pirenena sy ny fahaiza-mitondra firenena izany.

Sôh'son

Fanarenana ny lâlana Antananarivo

## Nolavadavahana efa ho 10 andro mahery, mbola tsy vita ihany

Anisan'ny renivohitra ratsy lâlana indrindra manerantany Antananarivo renivohitra, raha mijery ny zavamisy. Saika ireo lâlambé rehetra ifamoivoizana dia tsy maintsy misy fahasimbanya na potika avokoa. Feno lavadavaka sy mikitaontaona sady ratsy ny ankamaroany. Tena misy hatarâna tanteraka amin'ny fivoaranay renivohit'i Gasikara. Ny mahavariana, raha niseho nanao be favy nanamboatra ny lâlana simba ny tomponandraikitry ny fiadidiana ny tanan'an-Antananarivo renivohitra sy ny teo anivon'ny minisiteran'ny asa vaventy raha vao nanomboka ny fihibohana tamin'ny ha-mehana ara-pahasalamana tany amin'ny telo volana voalohany, tato anatin'izao fiverenana tamin'ny fihibhana izao, dia tsy nisy intsony izany. Tsy re intsony izy ireo amin'izay finiavana hanarina ny lâlana izay. Mijaly araka izany ireo mpampiasa lâlana amin'izao fotoana izao, ary tsy atao hahagaga ny fisian'ny fitohanana andanian'ora maro etsy sy eroa. Io fahapotehan'ny lâlana io no anisan'ny antony iray lehibe amin'ny fitohanana eto an-drenivohitra sy ny manodidina. Nankaiza ny tomponandraikitra, fa tsy misy ny tamberim-bidy na tamberin'andraikitra amin'ny hetra terena aloan'ny mponina? Variana amin'ny zavatra hafa izay tsy laharan-pahamehana amin'ny mponina izy ireo. Voalohany amin'izany ny resaka politika maloto amin'ny fanenjehana ireo mpifanandrina ara-politika izay atahorana mafy. Izany no andaniana ron-doha, fa tsy izay fitadavana fomba haingana hanasoa ny vahoaka. Ny fahasimban'ny fitaovana ampisaina toy ny fiarakodia dia misy fiantraikany ratsy, tsy eo amin'ny tompona fiarakodia ihany, fa amin'ny mponina ihany koa. Misy fiantraikany amin'ny fiharian'izy ireo izany na amin-javatra maro samihafa iainan'ny vahoaka. Azo inoana fa tsy hahatakatra izay ireo tomponandraikitra isan-tsokajiny eo amin'ny fitondrana matoa atao toy izao ny fanomezan-danja amin'ny fanamboaran-dâlana. Misy ireo lâlana nolavadavahana efa ho 10 andro mahery izao mbola tsy vita ihany, nefo miteraka fitohanana lavareny noho izay faharatsian'ny lâlana izay. Tamin'ny fihibhana no efa nambara fa anaovana izany, nefo tsy vita, izao vao mikoropaka ny fiadidiana ny tanâna, sy ny asa vaventy. Tena ela fiasa. Ary ahiana aza mbola anaovana kajikajy politika ny fotoana andrasana hanantaterahana izany. Efa fanaon'ireto olona ireto rahateo izany. Ny vahoaka ihany anefa no mitaty ny voka-dratsin'izany rehetra izany, fa resabe fotsiny ny amin'ny filazana, fa soa iombonana, na fikatsahana ny tombontsoa ambonin'ny firenena no imason'izy ireo.

Radafy

## Taratasin'ny mpamaky

Fanehoan-kevitra ampitaina amin'ny gazety Ny Valosoa Vaovao izao manaraka izao: hiresaka ronono ihany aho fa tsy aritro tsony. Maninona hono no narina ny ronono? Efa surproduction tempoko ny aty Vakinankaratra amin'izao, satria tsisy mandray ilay ronono! Dia niteny nareo hoe maninona raha nozraina? Ef a tena nizara tempoko ny olona ary efa niantsoantso hoe misy fizarana ronono maimaimpona, fa mbola tsy lany ihany ilay ronono! Dia hoy ny sasany hoe maninona raha anaovana produit hafa toy ny fromage? Yaourt? Misy possibilité an'zan ve ry reto tsy efa natao ah! sa sitrapony no hanimba ronono, sitrapony no hanary ilay hany MBA fidiram-bolany? Dia hoe maninona nefo raha tsy noterena ilay omby e? Dia ho vonoina angah lay omby, tsy Aleo ve manary ronono toy izay mamono omby, mety ho faty mantsy ny ronono raha tsy terena. Ny omby tokoa rehetra tsy terena ny rononony dia lasa marary izy dia maty. Dia hoe maninona raha no mena an'ny Socolait hono satria samy mpamongady ireo? Efa samy manana ny mpamatsy tempoko ireo orinasa roa ireo. Bref: misy sary tian'ny tantsaha aseho koa eo. Efa fanao ny toy izany any an-dafy rehetra tezitra amin'ny mpitondra ny mpiomphy sy ny mpamboly. Dia refa tsy takatral dia aza miseho mit-saratsara fahatany, fa tsy takatrala zany lay izy. La-zain'ny MAPAR fa nokaramaina hono ireo: mety izany angamba ny fanaon-dry zareo... fa ny ronono tempoko dia simba rehetra miganona +48h, ka rehetra tsisy mpandray dia zao ny zava-misy.

NB: ronono efa simba ireo fa tsy mety anaovana yaourt/fromage, na zaraina intsony.

Titavana Rakotoson Ambano, Antsirabe II

# Mpiandry raharaha

**PHARMACIES DE GARDE**  
05/09/2020 hatramin'ny  
12/09/2020

- **ANDOHATAPENAKA**  
(67ha sud Route FDC près station Galana) 020 22 670 70/034 02 670 70/032 12 670 70

- **SOARY** (Iadiambola Ampasapito) 020 22 410 58/032 11 248 05

- **PROVIDENCE** (Andohanan'Analakely près ex cinema Rex) 020 26 407 27 / 034 52 002 90 / 033 13 481 42

- **RALISON** (Antanimena) 020 22 226 14/034 44 429 51

- **RASOLONJATOVO**  
(Anosy en face HJRA) 020 24 570 38/034 64 838 61

HJRA (urgences) :  
033 11 890 58 /  
22 279 79

HOMI Soavinandriana :  
22 397 51

Hopital Befelatanana :  
22 223 84 / 22 6 N72 21

Hopital Loterana Ambobibao :  
22 441 88 / 22 485 17

Clinique des Soeurs Ankadifotsy : 22 235 54

Ambulances municipales :  
22 200 40

Jirama:  
Telma : (22)3547 (n° vert) /  
Airtel : 03 35 47 / Orange :  
032 32 3547

Pompiers :  
Tél : 118/22 250 18/  
22 225 66

Police :  
Hôtel Central de Police :  
17 / 22 227 35 / 22 357 09

1° Arrondissement Tsaralalana : 22 280 54  
2° Ambohibao : 22 309 46  
3° Antaninandro : 22 291 30  
4° Isotry : 22 280 51  
5° Mahamasina : 22 280 48  
6° Ambohimanarina :  
22 225 52  
7° 67 Ha : 22 291 29  
8° Analamahitsy : 22 493 25  
Brigade criminelle :  
22 216 78 / 22 210 29 /  
22 674 83 na 84

GIR : 22 227 35

Gazetim-baovao miseho intelo isan-kerinandro Vidiny: 300 Ar Adiresy: lot T 70 Ankadindratombo

**TALEN'NY FAMOAHANA :**  
Rahelisoa A.  
034 79 07600

## MPANAO GAZETY

**Politika:**  
Isambilo: 033 24 783 65  
Rajo: 033 80 022 53  
Andry Tsivalona 032 07 744 55

**Toe-karena :**  
Aly : 033 18 382 88

**Kolontsaina:**  
Aris: 034 17 460 53  
Beharo : 032 02 557 89

**Fanatanjahantena:**  
Lita: 033 41 557 69

**Mailaka:**  
gvalosoa@yahoo.com  
**NATONTAN'NY**  
Imprimerie de la RN7

Fametrahana 1064-09-2020  
Isan'ny natonta: 10 000

Tsy azo adika, na alain-tahaka, na  
antsaina ampihabemaso  
raha tsy ahozoana alalana vita  
soratana ny amin'ny  
tompony

## FITATERANA

# Hisokatra ny RN7 sy RN1, ary ny RN4 sy RN6

**H**isokatra amin'ity herinandro ity ny lalampirenena faha-7 sy ny lalampirenena voalohany (RN7 sy RN1), amin'ny herinandro ambony kosa ny lalampirenena faha-4, na ny RN4. Izay no anisan'ny fepetra noraisin' ny fitondram-panjakanana mahakasika ny fepetra amin' ny hamehana ara-pahasalamana mandritra ny 15 andro manaraka indray, nanomboka ny sabotsy teo. Ny 11 septambra ho avy izao no hisokatra ny RN7 hatrany Toaliara, ny RN 1 kosa dia ny 12 septambra ho avy izao. Ho an'ny lalampirenena faha-4 kosa dia ny 15 septambra ho avy izao, toy izany koa ny RN6 hatrany Antsohihy. Mbola tsy misokatra kosa ny zotra Nasionaly sy rejonaly any amin'ny faritra Diana sy Sava. Nohenoin'ny fitondrana mpampijaly vahoaka tarhan'i ndry Rajoelina ihany arak'izany ny feon'ireo mpitaititra, izay niato tsy niasa efa ho nandritra ny 4 volana nefy tsy mba nazozo tohana sosialim-bahoaka avy amin'ny fitondrana akory izy ireo. Ny herinandro teo, nanga-

taka ny hanokafan'ny fitondram-panjakanana ny asa fiaterana manerana ny nosy ireo solon-tenan' ny Mpitaititra eo anivon'ny zotra Nasionaly sy Rejony. Nilaza ireto farany fa efa naharitra fotoana lava izy ireo no tsy niasa ary mahatsiaro-tena ho sahiana manoloana ny fiaterana Antananarivo mankany amin'ny faritra Atsinanana. Nanamafy ny solontenan'ny mpitantana tobim-piantsonana, fa efa manaraka an-tsakany sy

tra ara-pahasalamana avy amin'ny Fanjakana ireo Koperativa sy ireo tombim-piantsonana amin'ny fanatanterahana ny asa fitaterana ary efa nasehon'ny vondron'ny mpitaititra izany fahavonanana izany amin'ny fisokafan'ny zotra fitaterana Antananarivo mankany amin'ny faritra Atsinanana. Nanamafy ny solontenan'ny mpitantana tobim-piantsonana, fa efa manaraka an-tsakany sy

an-davany ny "Protocole sanitaire" sy ny fametra-hana rindran-damina, mba hisorohana ny fivezivezen'ny olona sy ny fitangoronana ny tompon' andraikitra amin'izao fo-toana izao ary hiezaka hametraka ny "Caisse Unique" eny anivon'ny Koperativa tsirairay, mba hahafahana manao "Desinfection" ny vola miditra eny amin'ny "Guichet". Namarana ny fanehoankeviny ny solontenan'ny

mpitantana tobim-piatsonana, fa tsy maintsy mitondra dika mitovin'ny Karapanondro, na karatra maha mpianatra miampy taratasy fanamarinam-ponenana ny mpanjifa rehetra tonga eny amin'ny tobim-piantsonana, mba hahafahana mamantatra ny mpandeha ary manmora, na ny fanaraha-mason'ny olona raha misy ilana izany.

Franck Razakambelo

Orin'asa AAA


## Nitory eny amin'ny filankevim-panjakàna

Manoloana ny fanakatonana tsy ara-drarily ny orin'asa AAA Magro dia name-traka fangatahana fanafoanana ny fanapahan-kevitra, momba ny fanakatona ity orin'asa ity teny amin'ny filankevi-panjakàna, na conseil d'état omaly ny mpisolo vava ny orinasa, Me Eloi Ratetimahefamijoro. Mangataka ny fanafoanana ny didy navoakan'ny ao amin'ny foibem-pitondran'ny hetra, sy ny ao amin'ny ministeran'ny industria ihany koa. Marihina fa mpiasa marobe no mivelona

mivantana amin'ity orin'asa ity, no very asa ao anatin'izao hamehana ara-pahasalamana, sy fahasahiranana mianjadi amin'ny vahoaka Malagasy, noho ny fana-pahankevitry ny fanjakàna anakatona azy izao. Ny sabotsy teo izao dia tantsaha mamatsy ronono ny TIKO any Antsirabe sy Betafo no naneho ny hatezerany sa-

BEHARO

## Teny tondro (Ny Valosoa Vaovao) N° 317



Misy ny teny Malagasy ofisialy sy ny tenim-paritra

Ohatra : Valy = Vady

## Valiny Teny Tondro (0316)

### Mitsivalana

- Nitelina
- Atao
- Lanto - Ro (miv)

### Mitsangana

- Entako
- Faoka - AA
- Atsy - (T)aon(a)
- Ia - Rova
- Nilefa
- Anaty
- Tontosa
- Taky
- Laoka
- Ti (miv) - Ao
- Nao - Voa (miv)
- Aoriana

### Mitsivalana

- 1. Firosoana 2. Ma (miv) - Toky 3. Karetksaka 4. Orana - Anio (miv) 5. Nakarina 6. Ora - Manala (miv) 7. La - In-II 8. Sakaflo (miv) - Man (miv) 9. Zokinina 10. Arovana - Re

### Mitsangana

- A. Fokonolona B. Farara (miv) D. Raraka - Azo E. Omema - Voky (miv) F. Tarandaka G. Il(o) - Sir(y) H. Ataonay - Na I. Nokianina J. Naka (miv) - Roa (miv) K. Mamba (miv)

## Valiny Teny mifanaraka 0316

### Mitsivalana

- 1. Firosoana 2. Ma (miv) - Toky 3. Karetksaka 4. Orana - Anio (miv) 5. Nakarina 6. Ora - Manala (miv) 7. La - In-II 8. Sakaflo (miv) - Man (miv) 9. Zokinina 10. Arovana - Re

### Mitsangana

- A. Fokonolona B. Farara (miv) D. Raraka - Azo E. Omema - Voky (miv) F. Tarandaka G. Il(o) - Sir(y) H. Ataonay - Na I. Nokianina J. Naka (miv) - Roa (miv) K. Mamba (miv)

# An-tsary misongadina Ny Valosoa Vaovao

Ny nanaovana batisa ny zanak'i Claudia sy Tojo Ravalomanana ny alahady teo teny amin'ny FJKM Imerinkasinina Fanasina .

Helisoa



Ny hetsika nataon'ireo olona tsy nahazo Vatsy Tsinjo teny Imerimanjaka Ambohijanaka Atsimondrano omaly.



## Mazotoa mihira



### Aza manao an'izany

Tarik'i Bessa

Maika ery hono ianao hitsingoloka anay e e ee!  
Fa maditra sy dondrona tsy mba mahay e e ee!  
Dia lazaina fa kevoka te ho ambony e e ee!  
Nefa ho lavo ka tsy ho tafarina intsony eee!

Efa in-jato no efa natao an'izany e ee!

Isan'andininy:  
Aza manao an'izany e e ee!  
aza manao an'izany e e ee!  
Ankehitrity aho raha mianjona f'efa tsy tiana o o o!  
Dia lazaina fa olona tsy azo itokiana o o o!  
Ampangaina ho mpivadi-dela malaza o o o!  
Tsy azo inoina na dia hiozonozona aza ooo!



Isan'andininy:  
Nefa aza manao an'izany e, aza manao an'izany e!  
Tsy lanitra akory eto an-tany e, aza manao an'izany e!  
Ny rasa hivadika ihany e, aza manao an'izany e!  
Mbola ho ambony ny ambandy e, aza manao an'izany.

Isan'andininy:  
Kanefa aza manao an'izany eee!  
Aza manao an'izany.  
Mbola ho ambony ny ambandy eee!  
Aza manao an'izany.

Kinga ery hono ianao manely ny tsaho eee!  
Fa hoe tsy tianao tsy tianao tsy tianao aho e!  
Dia lazaina fa mbola misisika ihany eee!

**Mpamorona : BESSA**  
**Mpihira : Tarik'i Bessa**